

КАФИСМА ЧЕТЫРНАДЦАТАЯ

¹ Молитва нищаго, егда уныет,
и пред Господем
пролиет моление свое, 101

² Господи, услыши молитву мою, и вопль мой к Тебе да придет. ³ Не отврати лица Твоего от мене: воньже аще день скорблю, приклони ко мне ухо Твое: воньже аще день призову Тя, скоро услыши мя. ⁴ Яко исчезоша яко дым дние мой, и кости моя яко сушило сохоса. ⁵ Уязвен бых яко трава, и изсше сердце мое, яко забых снести хлеб мой. ⁶ От гласа въздыхания моего прильпе кость моя плоти моей. ⁷ Уподобихся неясоти пустынной, бых яко ночный вран на нырици. ⁸ Бдех и бых яко птица особящаяся на зде. ⁹ Весь день поношаху ми врази мой, и хвалящии мя мною кленяхуся. ¹⁰ Зане пепел яко хлеб ядах, и питие мое с плачем растворях. ¹¹ От лица гнева Твоего и ярости Твоея: яко вознес низвергл мя еси. ¹² Дние мой яко сень уклониса, и аз яко сено изсхох. ¹³ Ты же, Господи, во век пребываеши, и память Твоя в род и род. ¹⁴ Ты воскрес ущедриши Сиона, яко время ущедрити его, яко прииде время. ¹⁵ Яко благоволиша раби Твои камене его, и персть его ущедрят. ¹⁶ И убоятся языцы имене Господня, и вси царие земстии славы Твоея. ¹⁷ Яко созиждет Господь Сиона, и явится во славе Своей. ¹⁸ Призре на молитву смиренных, и не унижи моления их. ¹⁹ Да напишется сие в род ин, и людие зиждемии восхвалят Господа. ²⁰ Яко приниче с высоты святыя Своея, Господь с Небес на землю призре, ²¹ услышати въздыхание окованных, разрешити сыны умерщвленных, ²² возвестити в Сионе Имя Господне, и хвалу Его во Иерусалиме. ²³ Внегда собратися людем вкупе, и царем, еже работати Господеви. ²⁴ Отвеща ему на пути крепости его: умаление дней моих возвести ми. ²⁵ Не возведи мене в преполовение дней моих: в роде родов лета Твоя. ²⁶ В началех Ты, Господи, землю основал еси, и дела руку Твоею суть небеса. ²⁷ Та погибнут, Ты же пребываеши: и вся, яко риза обетшают, и яко одежду свиеша и изменятся.

²⁸ Ты же тойжде еси, и лета Твоя не оскудеют. ²⁹ Сынове раб Твоих вселятся, и семя их во век исправится.

Псалом Давиду 102

¹ Благослови, душе моя, Господа, и вся внутренняя моя имя святое Его. ² Благослови, душе моя, Господа, и не забывай всех воздаяний Его, ³ очищающего вся беззакония твоя, исцеляющего вся недуги твоя, ⁴ избавляющего от истления живот твой, венчающего тя милостию и щедротами, ⁵ исполняющего во благих желание твое: обновится яко орля юность твоя. ⁶ Твори милостины Господь, и судьбу всем обидимым. ⁷ Сказав пути Свое Моисею, сыновом Израилевым хотения Своя: ⁸ Щедр и Милостив Господь, Долготерпелив и Многомилостив. ⁹ Не до конца прогневается, ниже во век враждует, ¹⁰ не по беззаконием нашим сотворил есть нам, ниже по грехом нашим воздал есть нам. ¹¹ Яко по высоте небесней от земли, утвердил есть Господь милость Свою на боящихся Его. ¹² Елико отстоят востоцы от запад, удалил есть от нас беззакония наша. ¹³ Якоже щедрит отец сыны, ущедрит Господь боящихся Его. ¹⁴ Яко той позна создание наше, помяну, яко персть есмь. ¹⁵ Человек, яко трава дние его, яко цвет сельный, тако оцветет, ¹⁶ яко дух пройдет в нем, и не будет, и не познает ктому места своего. ¹⁷ Милость же Господня от века и до века на боящихся Его, ¹⁸ и правда Его на сынех сынов, хранящих завет Его, и помнящих заповеди Его творити я. ¹⁹ Господь на Небеси уготова Престол Свой, и Царство Его всеми обладает. ²⁰ Благословите Господа вси Ангели Его, сильнии крепостию, творящие слово Его, услышати глас словес Его. ²¹ Благословите Господа вся силы Его, слуги Его, творящие волю Его. ²² Благословите Господа вся дела Его, на всяком месте владычества Его, благослови, душе моя, Господа.

Слава:

Псалом Давиду,
о мирстем бытии, 103

¹ Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. ² Одейся светом, яко ризою, простираяй небо, яко кожу. ³ Покрываяй водами превыспренняя Своя, полагаяй облаки на восхождение Свое, ходяй на крилу ветреню. ⁴ Творяй Ангелы Своя духи и слуги Своя пламень огненный. ⁵ Основаяй землю на тверди ея, не преклонится в век века. ⁶ Бездна, яко риза, одеяние ея, на горах станут воды, ⁷ от запрещенія Твоего побегнут, от гласа грома Твоего убоятся. ⁸ Восходят горы и нисходят поля в место, еже основал еси им. ⁹ Предел положил еси, егже не прейдут, ниже обратятся покрыти землю. ¹⁰ Посылаяй источники в дебрех, посреде гор пройдут воды. ¹¹ Напаяют вся звери сельныя, ждут онагри в жажду свою. ¹² На тых птицы небесныя привитают, от среды камня дадут глас. ¹³ Напаяяй горы от превыспренных Своих, от плода дел Твоих насытится земля. ¹⁴ Прозябаяй траву скотом, и злак на службу человеком, извести хлеб от земли. ¹⁵ И вино веселит сердце человека, умастити лице елеем, и хлеб сердце человека укрепит. ¹⁶ Насытятся древа польская, кедри Ливанстии, ихже еси насадил. ¹⁷ Тамо птицы вогнездытятся, еродиево жилище предводительствует ими. ¹⁸ Горы высокия еленем, камень прибежище заяцем. ¹⁹ Сотворил еси луну во времена, солнце позна запад свой. ²⁰ Положил еси тму, и бысть ночь, в нейже пройдут вси зверие дубравнии. ²¹ Скимни рыкающие, восхитити и взыскати от Бога пищу себе. ²² Возсия солнце и собращася и в ложах своих лягут. ²³ Изыдет человек на дело свое и на делание свое до вечера. ²⁴ Яко возвеличишася дела Твоя, Господи, вся премудростию сотворил еси, исполнися земля твари Твоея. ²⁵ Сие море великое и пространное, тамо гади, имже несть числа, животная малая с великими, ²⁶ тамо корабли преплавают, змий сей, егже создал еси ругатися ему. ²⁷ Вся к Тебе чают, дати пищу им во благо время. ²⁸ Давшу Тебе им соберут, отверзшу Тебе руку всяческая исполнятся благодати, ²⁹ отвращшу же Тебе лице, возьмутся, отымеши дух их, и исчезнут, и в персть свою возвратятся. ³⁰ Послеши Духа Твоего, и созиждутся, и обновиши лице земли. ³¹ Буди слава

Господня во веки, возвеселится Господь о делах Своих, ³²
призира́яй на зѣмлю, и творя́й ю́ трясти́ся, прикаса́яйся горáм,
и дыма́тся. ³³ Воспою́ Господеви в животѣ моём, пою́ Бо́гу
моему́, дондеже есмь, ³⁴ да усладит́ся Ему́ бесе́да моя́, аз же
возвеселю́ся о Господе. ³⁵ Да исчезнут грѣшницы от земли, и
беззаконницы, якоже не бы́ти им. Благослови́, душе́ моя́,
Господа.

Слава:

Аллилуиа, 104

¹ Исповеда́йтесь Господеви, и призыва́йте и́мя Его, возвестите
во язы́цех дела́ Его. ² Воспойте Ему́ и пойте Ему́, повѣдите вся
чудеса́ Его. ³ Хвалите́ся о и́мени святе́м Его, да возвеселит́ся
сѣрдце и́щущих Господа. ⁴ Взыщитѣ Господа, и утверди́тесь,
взыщитѣ лица́ Его вѣну. ⁵ Помянитѣ чудеса́ Его, я́же сотвори́,
чудеса́ Его, и судьбы́ уст Его́. ⁶ Сѣмя Авра́амле раби́ Его,
сынове́ Иа́ковли избра́ннии Его. ⁷ Той Господь Бог наш, по всей
земли́ судьбы́ Его. ⁸ Помяну́ в век завет́ Свой, сло́во, е́же
заповѣда в ты́сящы родо́в, ⁹ е́же завеща́ Авра́аму, и кля́тву
Свою́ Иса́аку. ¹⁰ И поста́ви ю́ Иа́кову в повелѣние, и Изра́илю в
завет́ вѣчен, ¹¹ глаго́ля: тебѣ дам зѣмлю Хана́аню, у́же достоя́ния
ва́шего, ¹² внигда́ бы́ти им ма́лым число́м, малѣйшим и
прише́льцем в ней. ¹³ И преидо́ша от язы́ка в язы́к, и от
ца́рствія в лю́ди и́ны. ¹⁴ Не оста́ви челове́ка оби́дети их, и
обличи́ о них ца́ри. ¹⁵ Не прикаса́йтесь пома́занным мо́им, и во
проро́цех мо́их не лука́вните. ¹⁶ И призва́ глад на зѣмлю, вся́ко
утвержде́ние хлѣбное сотры́. ¹⁷ Посла́ пред ни́ми челове́ка: в
раба́ про́дан бысть Ио́сиф. ¹⁸ Смири́ша во око́вах но́зе его́,
желѣзо про́йде душа́ его́, ¹⁹ дондеже при́иде сло́во Его, сло́во
Господне разжже́ его. ²⁰ Посла́ ца́рь и разреши́ его́: князь
люде́й, и оста́ви его. ²¹ Поста́ви его́ господи́на до́му своему́, и
князя́ все́му стяжа́нию своему́, ²² наказати́ князи́ его́ я́ко себе́, и
ста́рцы его́ умудрѣти. ²³ И вни́де Изра́иль во Егѣпет, и Иа́ков
прише́льствова в зѣмлю Ха́мову. ²⁴ И возрасти́ лю́ди своя́ зело́,
и укрепѣ́ я́ па́че враго́в их. ²⁵ Преврати́ сѣрдце их возненави́дети

люди Его, леств сотворити в рабех Его. ²⁶ Посла Моисеа раба Своего, Аарона, егоже избра Себе. ²⁷ Положи в них словеса знамений Своих, и чудес Своих в земли Хамове. ²⁸ Посла тму и помрачи, яко преогорчиша словеса Его. ²⁹ Преложы воды их в кровь, и измори рыбы их. ³⁰ Воскипе земля их жабами в сокровищницах царей их. ³¹ Рече, и приидоша песья мухи, и скнпы во вся пределы их. ³² Положи дожди их грады, огонь пополяющ в земли их, ³³ и поразы винограды их и смоквы их, и сотры всякое древо предел их. ³⁴ Рече, и приидоша пружи и гусеницы, имже не бе числа. ³⁵ И сндоша всяку траву в земли их, и поядоша всяк плод земли их. ³⁶ И поразы всякаго первенца в земли их, начаток всякаго труда их, ³⁷ и изведе я с серебром и златом, и не бе в коленах их боляй. ³⁸ Возвеселися Египет во исхождении их, яко нападe страх их на ня. ³⁹ Распростре облак в покров им и огонь, еже просветити им ноцию. ⁴⁰ Просиша и приидоша крастели, и хлеба небснаго насыти я, ⁴¹ разверзе камень и потекоша воды, потекоша в безводных реки, ⁴² яко помяну слово святое Свое, еже ко Аврааму, рабу Своему. ⁴³ И изведе люди Своя в радости, и избранныя Своя в веселии. ⁴⁴ И даде им страны язык, и труды людей наследоваша, ⁴⁵ яко да сохранят оправдания Его и закона Его взыщут.

Слава:

По 14-й кафисме, Трисвятое.

Таже тропари, глас 8: Яко блудница припадаю Ти, да прииму оставление, и вместо мира слезы от сердца приношу Ти, Христе Боже: да яко оную ущедриши мя, Спасе, и подаси очищение грехов. Яко она бо зову Ти: избави мя от тимения дел моих.

Слава: Почто не помышляеши, душе моя, смерти? Почто не обращаеши прочее ко исправлению, прежде трубы глашения на суде? Тогда несть время покаяния. Приими во уме мытаря и блудницу зовущыя: согреших Ти, Господи, помилуй мя.

И ныне: Яко превосходящая воистинну рождеством Твоим силы Небсных, Приснодево Богородице, иже Тобою Божеством обогатившися, непрестанно Тя величаем.

Господи, помилуй (40) и молитва:

Благодарим Тя, Господи Боже спасений наших, яко вся твориши во благодеяния жизни нашея, яко упокоил еси нас в прешедшем ноцном времени, и воздвигл еси нас от ложей наших, и поставил еси нас в поклонение честнаго и славнаго имени Твоего. Темже молимся Тебе, Господи: даждь нам благодать и силу, да сподобимся Тебе пети разумно, и молитися непрестанно: и выну к Тебе зрети, Спасителю и Благодетелю наших душ, страхом и трепетом свое спасение действующе. Услыши убо и помилуй, Благоутробне, нас: сокруши под ноги наша невидимыя ратники и враги: прими яже по силе нашей благодарения: даждь нам благодать и силу во отвержение уст наших, и научи нас оправданием Твоим. Яко что помолимся, якоже подобает, не вемы, аще не Ты, Господи, Духом Твоим Святым наставиши ны. Аще же что согрешихом даже до настоящего часа, словом, или делом, или помышлением, волею, или неволею, ослаби, остави, прости. Аще бо беззакония назириши, Господи, Господи, кто постоит? Яко у Тебе очищение есть, у Тебе избавление. Ты еси Един Свят, Помощник Крепкий, и Защититель жизни нашея, и Тя благословим во вся веки, аминь.